

ՍՈՑԻԱԼԻԶՄԻ ՀԻՄՔԵՐԻ ՍՏԵՂԾՈՒՄԸ ԵՎ ԱՄՐԱՊԵՏՈՒՄԸ
ՀԱՅԿԱՎԱՆ ՍՍՀ-ՈՒՄ (1920—1940 թթ.)

ՎԱՀԱՆ ՊՈՂՈՍՅԱՆ

Մեծ Հոկտեմբերի հաղթական երթը Հայաստանում ավարտվեց 1920 թ. նոյեմբերի 29-ին: Հայաստանի բուլշևիկները, զինված լենինյան անուհի զա-ղափարներով, ղեկավարեցին և հաղթական ավարտի հասցրին դաշնակցա-կան անփառունակ տիրապետության դեմ հայ աշխատավորության պայքա-րը: Հայաստանում հաստատվեց սովետական իշխանություն: Սոցիալիզմի կառուցման լենինյան պլանը սովետական իշխանության հաղթանակի առա-ջին իսկ օրից դարձավ Հայաստանի աշխատավորության գործունեության ուղե-ցուցը, աշխատանքի ու պայքարի ծրագիրը: ՍՍՀՄ ժողովուրդների եղբայրա-կան ընտանիքում, ուսումնական մեծ ժողովրդի անշահախնդիր օգնությամբ ու աջակ-ցությամբ, Հայաստանի աշխատավորությունը ՀԿ(Բ)-ի ղեկավարությամբ բռնեց սոցիալիզմի կառուցման ուղին:

1921 թ. ՀամԿ(Բ)Կ X համագումարը խնդիր դրեց «հետևողականորեն վերացնել ազգային անհավասարության բոլոր մնացորդները հասարակական ու տնտեսական կյանքի բոլոր բնագավառներում և ամենից առաջ պլանաչա-փորեն արդյունաբերություն արմատավորել ժայռամասերում՝ գործարան-ները հոսմքի աղբյուրների մոտ փոխադրելու միջոցով (Թուրքեստան, Բաշկի-րիա, Կիրգիզստան, Կովկաս՝ տեքստիլ, բրդեղենի, կաշվեղենի արդյունաբե-րությունը և այլն)»¹: Դժվար է գերազնահատել բազմադվ պետությունների նախընթաց պատմությանն անհայտ՝ ազգային փոքրամասնությունների, ժայ-րամասների նկատմամբ նման հոգատար վերաբերմունք արտացոլող որոշման և նրա անշեղ կենսագործման նշանակությունը:

Լենինյան այդ քաղաքականության հաղթանակի վառ վկայությունն էր մասնավորապես այն, որ ՀՍՍՀ-ում արդյունաբերության համախառն ար-տադրանքը 1940 թ. 1913 թ. համեմատությամբ աճեց 8,7 անգամ²: Նախա-պատերազմյան տարիներին հանրապետության կապիտալ շինարարության մեջ ներդրվել է 2,3 մլրդ ռ.³: Այդ ժամանակամիջոցում հանրապետությունում կառուցվեցին և գործարկվեցին 120 խոշոր և բազմաթիվ մանր ու միջին ար-դյունաբերական ձեռնարկություններ⁴:

¹ «ՍՍՀՄ-ն համագումարների, կոնֆերենցիաների և կենտկոմի պլենումների բանաձևե-րում ու որոշումներում», I մաս, Երևան, 1954, էջ 714:

² «Народное хозяйство Армянской ССР в 1963 г.», Ереван, 1964, стр. 30.

³ «Правда», 24. XI. 1940.

⁴ «Социалистическое строительство Армянской ССР», Ереван, 1940, стр. 19.

Խոշոր արդյունաբերության զարգացման բնագավառում ձեռք բերած նվաճումների հետևանքով փոխվեց արդյունաբերության համախառն արտադրանքում տարբեր ճյուղերի տեսակարար կշռի հարաբերակցությունը: Այսպես, եթե նախատվետական Հայաստանի ամբողջ խոշոր արդյունաբերության համախառն արտադրանքի կեսից ավելին (59,2%-ը) տվել էր պղնձահանքային արդյունաբերությունը, ապա այդ նույն ճյուղից ստացված համախառն արտադրանքը պատերազմի նախօրյակին կազմում էր արդեն միայն 4,2%-ը⁵: Այստեղից, իհարկե, չպետք է եզրակացնել, թե պղնձահանքային արդյունաբերության արտադրանքը կրճատվել էր: Ընդհակառակն, 1940 թ. արդյունաբերության հիշյալ ճյուղը 1,5 անգամ ավելի արտադրանք տվեց, քան 1913 թ.⁶: Այդ, ինչպես նաև մյուս փոփոխությունները բացատրվում են արդյունաբերության նոր ճյուղերի (քիմիական, շինանյութերի, տեքստիլ և այլն) ստեղծմամբ, մի շարք հին ճյուղերի ընդլայնմամբ և ծանր արդյունաբերության համախառն արտադրանքի բացարձակ աճով (այն 1913 թ. համեմատությամբ 1940 թ. աճել էր 23 անգամ):

ՀՍՍՀ արդյունաբերության բուռն զարգացումը անհնարին էր ապահովել առանց էներգետիկ բազայի ընդլայնման: Այդ իսկ պատճառով նախապատերազմյան տարիներին հանրապետությունում կառուցվեցին մի շարք էլեկտրակայաններ, որոնց արտադրած էներգիան բազա հանդիսացավ հանրապետության արդյունաբերության էներգետիկ ճյուղերի զարգացման համար: Դրանք իրենց հերթին առաջադրեցին նոր պահանջներ՝ էլեկտրաարդյունաբերության հետագա աճի համար: 1926 թ. մայիսի 16-ին Երևանի հիդրոէլեկտրակայանի բացման առթիվ արտասանած ճառում Գ. Կ. Օրջոնիկիձեն ասաց. «Երևանի հիդրոէլեկտրակայանի կառուցումով Հայաստանի աշխատավորությունը հսկայական քայլ է անում դեպի Հայաստանի էլեկտրիֆիկացիայի գործը: Նա դրանով իրագործում է ընդ. Լենինի խոշոր ավանդներից մեկը, որն ասում է. «Խորհրդային իշխանություն պլյուս էլեկտրիֆիկացիա հավասար է կոմունիզմին»⁷: Այնուհետև մեկը մյուսի հետևից շահագործման հանձնվեցին Լենինականի հիդրոէլեկտրակայանը, Երգեշի երկրորդ հերթը, Ձորագետը, Սևան—Հրաղղան կասկադի առաջին կայանը՝ Քանաքեռգետը, ինչպես նաև բազմաթիվ շրջանային էլեկտրակայաններ:

Նախքան պատերազմը կառուցված և շահագործման հանձնված թվով 51 հիդրոէլեկտրակայանների ընդհանուր կարողությունը 1941 թ. կազմեց 113,1 հազ. կիլովատ, տալով 395,3 մլն կիլովատ-ժամ էլեկտրաէներգիա, այսինքն՝ էլեկտրաէներգիայի արտադրությունը 1913 թ. համեմատությամբ 1940 թ. ավելացավ 77 անգամ⁸:

Նախատվետական Հայաստանի պղնձահանքային արդյունաբերության մեջ առաջատար դիրք գրաված ֆրանսիական կապիտալիստները գիշատիչ շահագործման էին ենթարկում ոչ միայն բանվորներին, այլև հանքավայրերը: Հետապնդելով քիչ ներդրումներով մեծ շահույթ ստանալու նպատակ, օտարերկրյա կապիտալիստներն ավերում էին այն հանքավայրերը, որտեղ քիչ էր պղնձի պարունակությունը: Նախապատերազմյան տարիներին միայն վիթ-

⁵ Նույն տեղում, էջ 28:

⁶ «Советская Армения за 40 лет», Ереван, 1960, стр. 21, 49.

⁷ «Սովետական Հայաստան», 18. V. 1926:

⁸ «Советская Армения за 40 лет», стр. 67.

խարի կապիտալ ներդրումների և մեծ աշխատանքի գնով հնարավոր եղավ վերականգնել պղնձահանքային արդյունաբերությունը Ղափանում և Ալավերդիում, Հանրապետությունում կատարված ծավալուն լեռնահետախուզական աշխատանքների շնորհիվ հայտնաբերվեցին նոր հանքավայրեր, որոնք լայն հեռանկարներ բացեցին լեռնահանքային արդյունաբերության զարգացման համար: Մեծ աշխատանք կատարվեց պղնձի հանքանյութի հանման և մշակման մեքենայացման ուղղությամբ: Ղափանում կառուցվեց հարստացուցիչ ֆաբրիկա՝ Ալավերդու պղնձաձուլարանին պղնձի խտանյութ մատակարարելու համար: Հանրապետության ինդուստրացման դժվարին, բայց կենսականորեն անհրաժեշտ խնդրի իրագործումը պահանջում էր ստեղծել և զարգացնել մեքենաշինության և մետաղամշակման արդյունաբերություն: Սովետական Հայաստանը ժառանգություն էր ստացել միայն Տեր-Ավետիքովի Երևանի մեխանիկական փոքրիկ գործարանը և մի քանի մանր արհեստանոցներ: Նախապատերազմյան տարիներին կառուցվեցին Երևանի Ձերժինսկու անվան, Լենինականի մեխանիկական գործարանները, Երևանի ավտոմեքանորոգման և մեխանիկական արհեստանոցները, սկսվեց Երևանի էլեկտրամեխանիկական, Կիրովականի մեխանիկական և մի շարք այլ գործարանների շինարարությունը: 1940 թ. մետաղամշակման և մեքենաշինական արդյունաբերությունը 1913 թ. համեմատությամբ աճեց 15 անգամ⁹:

Հումքի և էժան էլեկտրաէներգիայի առկայությունը խթան հանդիսացավ քիմիական արդյունաբերության ստեղծման համար: Մինչև Հայրենական մեծ պատերազմը կառուցվեցին և շահագործման հանձնվեցին Կիրովականի Ալ. Մյասնիկյանի անվան քիմիական, Երևանի Ս. Մ. Կիրովի անվան կաուչուկի, կարբիդի և խրոմպիկի, Ալավերդու պղնձարջասպի գործարանները:

Հայաստանում եղած հումքի հարուստ բազայի վրա կազմակերպվեց և բուռն թափով աճեց շինանյութերի արտադրությունը: Սկսվեց Անիպեղայի և Արթիկտուֆի հանքավայրերի արդյունաբերական մշակումը: Շահագործման հանձնվեցին Արարատի ցեմենտի, Երևանի և Կիրովականի աղյուսակղմինդրի, Երևանի գաջի և պեմզաքետոնի բլոկների գործարանները, ինչպես նաև մի շարք այլ ձեռնարկություններ:

Հանրապետությունում ծանր արդյունաբերության ստեղծումն ու զարգացումը հնարավորություն ընձեռեց ընդարձակելու թեթև, տեքստիլ և սննդի արդյունաբերությունը: Լենինականի տեքստիլ կոմբինատի կառուցումով հիմք դրվեց տեքստիլ արդյունաբերությանը, իսկ մինչև Հայրենական մեծ պատերազմն արդեն գործում էին մի շարք տեքստիլ ձեռնարկություններ: Մեծ աշխատանք կատարվեց թեթև արդյունաբերության հետագա ընդարձակման ուղղությամբ, առաջ եկան ալյուրիի ճյուղեր, ինչպիսիք են կարի, կոշիկի և այլն: Կառուցվեցին և գործարկվեցին Երևանի կարի 1-ին, կոշիկի 1-ին, Լենինականի գուլպա-տրիկոտաժի, կոշիկի 2-րդ, Կիրովականի մորթու-մոշտակի, Ստեփանավանի գուլպայի, Նոր Բայազետի (Կամո) տրիկոտաժի ֆաբրիկաները և մի շարք այլ ձեռնարկություններ: Եթե 1932 թ. թեթև արդյունաբերության համախառն արտադրանքը կազմում էր 10 մլն ռ., ապա 1941 թ.՝ 43 մլն 774 հաղ. ռ.¹⁰:

⁹ «Народное хозяйство Армянской ССР», Ереван, 1957, стр. 24.

¹⁰ «Սովետական Հայաստան», 4. XI. 1945:

Հսկայական աշխատանք կատարվեց սննդարդյունաբերության զարգացման ուղղությամբ: Սննդարդյունաբերության համախառն արտադրանքը 1940 թ. 7,8 անգամ գերազանցեց 1913 թ. մակարդակը¹¹: Ընդլայնվեց գինու, կոնյակի արտադրությունը, կառուցվեցին և շահագործման հանձնվեցին պահածոների մի շարք գործարաններ, Երևանի և Լենինականի մսի կոմբինատները, Երևանի ձեթ-օճառի կոմբինատը և այլն:

Արհեստավորները և մանր տնայնագործները միավորվեցին արհեստագործական կոոպերացիաների մեջ՝ «Հայարդիսորհրդի», «Անտառարդմիության» և «Հաշվկոոպ»-ի սիստեմում: Նախապատերազմյան 20 տարիների ընթացքում կոոպերացիայի և կառավարության ձեռնարկած միջոցառումների շնորհիվ արհեստագործական կոոպերացիայի արտադրության համախառն արտադրանքը 1941 թ. կազմեց 108 մլն ռ.՝ 1932 թ. 22,3 մլն ռ. դիմաց:

1940 թ. հանրապետությունում հաշվվում էին 365 խոշոր և 4912 մանր ու միջին ձեռնարկություններ¹²: Խոշոր արդյունաբերության մեջ զբաղված բանվորների քանակը 2,5 անգամ գերազանցում էր մանր ձեռնարկություններում աշխատողների քանակը: Արդյունաբերության համախառն արտադրանքում խոշոր արդյունաբերության բաժինը կազմում էր 75,5%¹³:

Աննախընթաց վերելք ապրեց հանրապետության գյուղատնտեսությունը: Դասակարգային սուր պայքարում հաղթանակեց գյուղատնտեսության սոցիալիստական վերակառուցման կուրսը: Վերացվեց վերջին շահագործողական դասակարգը՝ կուլակությունը: Անվերադարձ անհետացան աշխատավոր գյուղացու մշտական ուղեկիցներ սուվն ու աղքատությունը: Անճանաչելիորեն փոխվեց գյուղի դեմքը: Կուլտնտեսային կարգն արդեն հաղթանակել էր հանրապետության գյուղում: Աշխատավոր գյուղացիությունը (174 հազար ծովս, 888,3 հազար մարդ)¹⁴ 1940 թ. ընդգրկված էր 1030 կոլեկտիվ և 15 պետական տնտեսություններում¹⁵:

Շահագործումից ազատված ու իր վաստակի տեր դարձած գյուղի աշխատավորությունը հաջողությամբ լուծեց տնտեսության վերականգնման ու վերակառուցման խնդիրները: Դեռ 1921 թ. ապրիլի 14-ին Վ. Ի. Լենինը «Ադրբեջանի, Վրաստանի, Հայաստանի, Դաղստանի, լեռնականների հանրապետության կոմունիստ ընկերներին» ուղղած նամակում գրում էր. «Խսկույն աշխատել բարելավել գյուղացիների դրությունը և սկսել էլեկտրիֆիկացիայի, ոռոգման խոշոր աշխատանքներ: Ոռոգումն ամենից ավելի է պետք և ամենից ավելի կվերաստեղծի լեռկիրը, վվերածնի նրան, կթաղի անցյալը, կամրապնդի անցումը դեպի սոցիալիզմ»¹⁶: Բանն այն է, որ դաշնակցականների տիրահաղակ տիրապետության տարիներին Հայաստանի ոռոգվող հողատա-

¹¹ «Народное хозяйство Армянской ССР», стр. 27.

¹² Հոկտեմբերյան հեղափոխության և սոցիալիստական շինարարության պետական կենտրոնական արխիվ (այսուհետև՝ ՀՍՍՀ ՀՀՍՀԳԿԱ), ֆ. 163, ց. 58, գ. 3, թ. 1—3:

¹³ Նույն տեղում:

¹⁴ Ю. В. Арутюнян, Советское крестьянство в годы Великой Отечественной войны, М., 1970, стр. 411.

¹⁵ ՀՍՍՀ ՀՀՍՀԳԿԱ, ֆ. 163, ց. 21, գ. 1145, թ. 1—2:

¹⁶ Վ. Ի. Լենին, Երկեր, հ. 32, էջ 404:

րաժուժյունները կրճատվել էին ավելի քան $\frac{1}{3}$ -ով: Եթե 1913 թ. դրանք կազմում էին 97,6 հազ. հա, ապա 1919 թ.՝ 60,4 հազ. հա¹⁷:

Վ. Ի. Լենինի պատգամն արտահայտում էր Հայաստանի աշխատավոր գյուղացիության ձգտումներն ու երազանքը: Կատարելով մեծ առաջնորդի ցուցումները, Հայաստանի աշխատավորները ՀԿ(Բ)Կ ղեկավարությամբ հսկայական ջրաշինարարական աշխատանքներ ծավալեցին, համեմատվելով խիստ արագ հաջողությամբ: Տեղաբնիկ գյուղացիները, տեխնիկայի և շինարարության պակասը չխանգարեցին Հայաստանի ջրաշինարարներին՝ կառուցելու դժվարաշին ջրանցքներ, ստեղծելու բարդ հիդրոէլեկտրակայաններ՝ ոռոգելի դարձնելով դարերով պապակ դաշտերը: 1920—1940 թթ. վերականգնվեցին դաշնակցականների տիրապետության օրոք ավերված ջրանցքները (Դարմաշի, էջմիածնի), կառուցվեցին և շահագործման հանձնվեցին նորերը: Այդ շրջանում ոռոգման նպատակներով ծախսվեց 237 մլն 77 հազ. ռ.¹⁸, ոռոգվող հողատարածությունը 1913 թ. համեմատությամբ 1940 թ. կրկնապատկվեց, իսկ 1919 թ. համեմատությամբ եռապատկվեց և հասավ 180 հազ. հա-ի¹⁹: Կառուցվեցին Շիրակի, Սարգարապատի, Արտաշատի, Մազրաշի, Նալբանդի և մի շարք այլ ջրանցքներ: Աճեց հիդրոտեխնիկական կառույցների թիվը (եթե 1920 թ. գործում էր ընդամենը 14, ապա 1940 թ.՝ 1864 հիդրոտեխնիկական կառույց)²⁰: Կոլտնտեսային կարգի հաղթանակը, աշխատավորության եռանդը և գյուղատնտեսության մեքենայացումը այն գործոններն էին, որոնց շնորհիվ ՀԿ(Բ)Կ անխնայ ղեկավարությամբ ապահովվեց հանրապետության գյուղատնտեսության վերելքը:

1913 թ. համեմատությամբ 1940 թ. գյուղատնտեսության համախառն արտադրանքը աճեց 1,6 անգամ: Գյուղատնտեսական կուլտուրաների ցանքատարածությունը 346 հազ. հա-ից հասավ 434 հազարի²¹: Նախապատերազմյան 20 տարում գյուղատնտեսության մեջ վատարվեց 560 մլն ռ. կապիտալ ներդրում²²: Կոլտնտեսությունները և պետական տնտեսությունները միավորում էին բոլոր գյուղացիական տնտեսությունների 98,3%-ը, մշակում ցանքատարածությունների 99,9%-ը²³: Կոլտնտեսություններին և սովխոզներին սպասարկող 37 ՄՏԿ-ներն ունեին 1500 տրակտոր, 242 կոմբայն, 343 կալսի²⁴:

Աճեց գյուղատնտեսական մթերքների արտադրությունը: Հացահատիկի արտադրությունը 1913 թ. համեմատությամբ 1940 թ. աճեց 128%-ով, կարտոֆիլինը՝ ավելի քան 2 անգամ, մրգերինը՝ 130%-ով և այլն²⁵: 1913 թ. համեմատությամբ 1940 թ. խաղողի ալգինների զբաղեցրած տարածությունը ավելի քան կրկնապատկվել և հասել էր 19,2 հազ. հա-ի, պտղատու այգիներ-

17 «Սովետական Հայաստան» 50 տարում», Երևան, 1970, էջ 127:

18 ՀՍՍՀ ՀՀՍԽԿԿ, ֆ. 130, ց. 5, գ. 40, ք. 47:

19 «Սովետական Հայաստան» 50 տարում», էջ 127:

20 ՀՍՍՀ ՀՀՍԽԿԿ, ֆ. 130, ց. 5, գ. 40, ք. 48:

21 «СССР и зарубежные страны после Великой Октябрьской социалистической революции», М., 1970, стр. 300.

22 «Սովետական Հայաստան», 29. XI. 1940:

23 «Правда», 24. XI. 1940.

24 «Սովետական Հայաստան», 29. XI. 1940:

25 «СССР и зарубежные страны после Великой Октябрьской социалистической революции», стр. 300.

րինը՝ 4,4 հազ. հա-ից՝ 19,5 հազարի: Խաղողի բերքատվությունը 1919 թ. համեմատությամբ աճել էր ավելի քան 2,5, պտուղներինը՝ 2 անգամ: Բամբակի բերքը 5,6 ցենտներից հասել էր 19,1 ցենտների (1 հա-ից) և այլն²⁶:

Դաշնակցականների ագագադավ տիրապետության շրջանում անմխիթար վիճակում էր նաև ամասնաբուծությունը: Խոշոր ու մանր եղջերավոր անասունների գլխաքանակը 1913 թ. համեմատությամբ 1919 թ. ավելի քան 3 անգամ նվազել էր²⁷: 20 տարվա ընթացքում գյուղատնտեսության այդ կարևոր բնագավառը վերականգնվեց և ամուր հիմքերի վրա դրվեց: Ավելացավ անասնաբուծական հիմնական մթերքների արտադրությունը: Մսի արտադրությունը (սպանդանոցային քաշով) 1940 թ. կազմում էր 23,2 հազ. տ.՝ 1913 թ. 19,2 հազարի դիմաց, կաթի արտադրությունը՝ 170 հազ. տ.՝ 129 հազարի դիմաց և այլն²⁸: Կոլտնտեսություններում և սովխոզներում ստեղծված անասնապահական ֆերմաները դարձան ամասնաբուծական հիմնական մթերքների արտադրության կարևոր կենտրոններ:

Անասնաբուծության զարգացման կարևոր պայմաններից մեկը կերի կաշուն բազայի ստեղծումն է: Այդ իսկ պատճառով զգալի աշխատանքներ կատարվեցին բնական խոտհարքների և արտավայրերի բարելավման, ինչպես նաև կերային կուլտուրաների ցանքատարածությունների ընդլայնման ուղղությամբ: 1937 թ. համեմատությամբ 1940 թ. 3 անգամ ավելացավ ցանովի խոտադաշտերի ցանքատարածությունը²⁹:

Հանրապետությունում 1941 թ. հունվարի 1-ի դրությամբ հաշվվում էին 600 հազ. գլուխ խոշոր եղջերավոր անասուններ, որից կոլտնտեսություններում՝ 287,8 հազ. գլուխ. ոչխարներ և այծեր՝ 1 մլն 221,3 հազ. գլուխ, որից կոլտնտեսություններում՝ 644,9 հազ. գլուխ³⁰: Անասնաբուծության զարգացմանը նպաստում էր աշխատանքների մեքենայացումը: Բացի այդ, աճել էին հանրային հոտի լավագույն կազմակերպիչներ, մասնագետներ, որակյալ աշխատողներ: Հանրապետության գյուղատնտեսության բոլոր ճյուղերը բռնել էին ինտենսիվ զարգացման անշեղ ճանապարհը:

1920—1940 թթ. հանրապետությունում հաջողությամբ իրագործվեց կուլտուրական հեղափոխությունը: Հանրապետությունը ծածկվեց դպրոցների, ինչպես նաև գիտության ու մշակույթի օջախների լայն ցանցով: Անդառնալիորեն անցյալի գիրկն անցան հետամնացությունն ու անգրագիտությունը: Սոցիալիզմի ուղին բռնած Հայաստանն այդ թնագավառում 20 տարվա ընթացքում ավելի յոթ հաջողությունների հասավ, քան իր նախընթաց ողջ պատմության ընթացքում:

Եթե 1918 թ. Հայաստանում կար 166 դպրոց՝ 18600 աշակերտով³¹, ապա 1940 թ.՝ հանրակրթական 1147 դպրոց՝ 333 հազ. աշակերտով³²: Այդ տարիներին կառուցվեցին 957 դպրոցական նոր շենքեր: Մատաղ սերնդի կրթու-

²⁶ «Правда», 24. XI. 1940.

²⁷ «Վիճակագրական տեղեկատու», Երևան, 1925, էջ 42—43:

²⁸ «Սովետական Հայաստանը 50 տարում», էջ 147:

²⁹ «Правда», 24. XI. 1940.

³⁰ ՀՍՍՀ ՀՀՍԽԿԱ, ֆ. 130, ց. 5, գ. 227, թ. 12:

³¹ «Սովետական Հայաստան», 29. XI. 1940:

³² «СССР и зарубежные страны после Великой Октябрьской социалистической революции», стр. 300.

թվան ու դաստիարակության գործին իրականացնում էին իրենց գործին նվիրված ավելի քան 11 հազ. ուսուցիչներ: Եթե նախասովետական Հայաստանը շուրջ ոչ մի բարձրագույն ուսումնական հաստատություն, ապա 1940/41 ուստարվա սկզբին հանրապետության 9 բուհերում ընդգրկված էին 11,1 հազ. ուսանողներ³³, իսկ 62 միջնակարգ մասնագիտական ուսումնական հաստատություններում՝ 3,9 հազ. սովորողներ³⁴:

Կրթադաստիարակչական օջախներում ձևավորվեց և աճեց ժողովրդական մտավորականությունը՝ ղինված մարքս-լենինյան աշխարհայացքով, լեցուն ստեղծագործական ավյունով: 1941 թ. հունվարի 1-ի դրությամբ հանրապետության ժողովրդական տնտեսության տարբեր բնագավառներում աշխատում էին բարձրագույն կրթությամբ 7,3 հազ. մասնագետներ, այդ թվում ինժեներներ՝ 1400, գյուղատնտեսներ, անասնաբույժ-անասնաբույժներ, անտառբույժներ՝ 1000, բժիշկներ՝ 900, մանկավարժներ և կուլտուրա աշխատողներ՝ 3200: Միջնակարգ մասնագիտական կրթությամբ աշխատողների քանակն անցնում էր 12 հազարից³⁵:

Նախասովետական Հայաստանում կար ընդամենը առողջապահական 6 ստացիոնար հիմնարկ՝ 210 մահճակալով, 16 ամբուլատորիա, 13 ֆելդշերական կետ³⁶: Եթե 1913 թ. կար 41 բժիշկ, 91 բուժակ, ապա դաշնակցականների տիրապետության երկրորդ տարում՝ 1919 թ., աշխատում էին միայն 4 բժիշկ և 6 բուժակ³⁷: Մալարիան, ծաղիկը, սկարլատինան, քոսն ու դիզենտերիան սովատանջ բնակչության մշտական ուղեկիցներն էին: 1920—1940 թվականներին ստեղծվեց առողջապահական հիմնարկների խիտ ցանց: 1940 թ. հանրապետությունում գործում էին բժշկական ինստիտուտը, 20-ից ավելի բժշկական միջնակարգ մասնագիտական ուսումնական հաստատություններ և դասընթացներ: Մինչև սովետական կարգերի հաստատումը Հայաստանում չկար ոչ մի առողջարան և հանգստյան տուն, մինչդեռ 1940 թ. գործում էին 5 առողջարան և 8 հանգստյան տուն³⁸: Ծավալված առողջապահական վիթխարի աշխատանքի հետևանքով անհետացան վերոհիշյալ բոլոր տարափոխիկ հիվանդություններն ու դրանք ծնող պատճառները:

1935 թ. ստեղծվեց ՍՍՀՄ գիտությունների ակադեմիայի հայկական մասնաճյուղը՝ Արմֆանը³⁹, որը 1940 թ. միավորում էր 15 գիտահետազոտական ինստիտուտներ: Արմֆանում, բուհերում և այլ գիտահետազոտական հիմնարկներում (որոնց թիվը հասնում էր 43-ի)⁴⁰ 1940 թ. հաշվվում էր 1067 գիտաշխատող⁴¹:

Բոլոր զարգացում ապրեցին գրականությունն ու արվեստը: 1913 թ. համապետությամբ 1940 թ. 35 անգամ աճեց գրքահրատարակության և մոտ

33 «Народное хозяйство СССР в 1970 г.», М., 1971, стр. 641.

34 Նույն տեղում, էջ 642:

35 «Народное хозяйство Армянской ССР в 1963 г.», стр. 174, 175.

36 ՀՍՄՀ ՀՀՍՇՊԿԱ, ֆ. 130, ց. 5, գ. 44, թ. 79:

37 «Սովետական Հայաստան», 29. XI. 1940:

38 Նույն տեղում:

39 ՀՍՄՀ ՀՀՍՇՊԿԱ, ֆ. 130, ց. 5, գ. 40, թ. 49:

40 «Научный сборник, посвященный 20-летию установления Советской власти в Армении», Ереван, 1941, стр. 17.

41 СССР и зарубежные страны после Великой Октябрьской социалистической революции», стр. 300.

12 անգամ՝ թերթերի հրապարակության ապաքանակը⁴², Կրթադաստիարակչական հսկայական նշանակություն ունեցած մասսայական գրադարսոսները, ակումբները, կինոն և ուրիշն: Աճեցին նաև կապի միջոցները:

Ինչպիսով, նախապատերազմյան տարիներին ինչպես ՍՍՀՄ-ում, այնպես էլ նրա անբաժան մասը կազմող ՀՍՍՀ-ում, կուսակցության ղեկավարությամբ, աշխատավորության համառ ու հաստատակամ, սխրանքներով լի աշխատանքով լուծվեց նոր հասարակարգի հաստատման համար անհրաժեշտ այնպիսի բարդ ու պատասխանատու մի խնդիր, ինչպիսին է «...սոցիալիզմի հիմքերի ստեղծումը, այսինքն՝ շահագործող գաղակարգերի վերացումը, ժողովրդական տնտեսության բոլոր սեկտորներում հանրային սեփականության հաստատումը»⁴³: ՍՍՀՄ-ի կազմում Սովետական Հայաստանի պատմությունը սոցիալիզմի վսեմ դադափարների հաղթանակի պատմությունն է, սոցիալիզմի առավելությունների, նրա ուժի ու կենսունակության վառ ապացույցը, լավագույն օրինակ՝ աղատության ու անկախության ուղին բռնած մեծ ու փոքր ժողովուրդների պայքարի ու հաղթանակի համար:

Նախընտրելով սոցիալիզմի ուղին և իր ապագան կապելով ուսման մեծ ժողովրդի հետ, հայ ժողովուրդը ոչ միայն փրկվեց ֆիդիկական բնաջնջման վտանգից, այլև առհավետ դարձրեց իր սոցիալ-տնտեսական ծաղկումը: Հանրադրամարդ բերելով 20-ամյա Սովետական Հայաստանի նվաճումները, «Правда»-ն գրել է. «Հրաշալի փոփոխություններ կատարվեցին Հայաստանում սովետական իշխանության 20 ամյա ընթացքում: Կանգնեցին գործարանները ու ֆաբրիկաների, թատրոնների ու ակումբների, դպրոցների և էլեկտրակայանների հոյակապ շենքեր: Բուշեփկյան ամրակուռ բաղնիք բացեց անառիկ լեռների ընդերքը, հերկեց գութանի կալոտ դաշտերը»⁴⁴:

СОЗДАНИЕ И УКРЕПЛЕНИЕ ОСНОВ СОЦИАЛИЗМА В АРМЯНСКОЙ ССР (1920—1940 гг.)

ВАГАН ПОГОСЯН

Резюме

В соответствии с ленинским планом построения социализма в СССР за предвоенные годы (1920—1940 гг.) трудящиеся Армении в братской семье народов СССР под руководством Коммунистической партии достигли больших успехов в создании и укреплении основ социализма.

Индустриализацией, коллективизацией сельского хозяйства, претворением в жизнь культурной революции, решением ряда национальных и социально-экономических вопросов в Советской Армении за этот период были созданы основы социализма, была установлена общественная собственность на средства производства и были ликвидированы эксплуататорские классы.

⁴² Նույն տեղում:

⁴³ Լ. Ի. Բրեժնև, Սովետական Սոցիալիստական Հանրապետությունների Միության սահմանադրության (հիմնական օրենքի) նախագծի և նրա համաժողովրդական քննարկման արդյունքների մասին, Երևան, 1977, էջ 29:

⁴⁴ «Правда», 24. XI. 1940.